

4

UDuduzile oneensila

Ukuhlanzeka nokuhlala uphilile

UDudu ufuna ukudlala ngoNompopanakhe.
Maye ingabe ukuphi kanti?
Ingabe ungaphasi kombhede?
Ingabe ungaphasi kwamarharideyini?
Ingabe uphezu kwekasi yeencwadi?
Mhlamunye ungaphakathi kwekhabethe?
"MmaMMAAAA" kurhuwelela uDudu,
unompopanami uMbali ubalekile godu!"





"Akhese uthi uyaqala amahlanahlana la, Duduzile", kutjho ummakhe.
 Ngikho nje ungamfumani uMbali.
 Sikhathi sokuthi uhlwengise wena mntazinyana onamahlanahlana!"
 UDudu upaka amabhlogo wakhe uwafaka ngebhoksaneni lawo
 UPaka iincwadi zakhe ekasini lazo.
 Uthatha iinzibi uyoqithulula emgqomini wazo.
 Kuthi ekugcineni, uDudu ubutha zoke izembatho
 zakhe ezineensila uzifaka emgqomini wevasi.
 Peek-a-BOO! Qala bona ngubani obhaqe lapha?



“Yeyi Mbali,” kutjho uDudu.”
Yiza sizokudlala!”

“Nina, bentazana,”Kutjho ummakaDuduzile
angeze nayokudlala ninjalo!”

UDudu uhlamba ubuso bakhe nezandla.

Urhuhla uMbali ngemva kwendlebe.

Uhlamba amazinywakhe newaka Mbali.

Ukama iinhluthu zakhe nezikaMbali.

Bembatha amabhrugwanabo wangaphasi
ahlwengekileko namarogo amatjha.

Napaya basuka ngebelo bayokudlala nabangani babo.

UmmakaDudu ubaphakamisela isandla

uyabalayelisa uyamomotheka.

Uyazi bona bayokuthi nababuyako

bazabe baneensila ukudlula lokhuya.

